

旧版文章

天人古今

古今通论

古代通论

世界史论

当代三农

现实问题

旁通类鉴

先秦史论

先秦通论

原始经济

文明起源

夏商西周

春秋战国

汉唐史论

汉唐通论

战国秦汉

秦国秦代

西汉东汉

魏晋南北朝

隋唐五代

宋元史论

宋元通论

唐宋通论

北宋南宋

辽金西夏

蒙元史论

明清史论

明清通论

明代通论

明中后期

清代通论

清代前期

近代史论

近代通论

清代晚期

民国通论

民国初年

国民政府

红色区域

现代史论

近世通论

现代通论

前十七年

文革时期

改革开放

学科春秋

学科发展

专题述评

国学网 - - 中国经济史论坛 / 池月山云 / 诗词诗话 / 《翰苑一室》 / 初学集·五言古体诗

初学集·五言古体诗

2006-03-12 吴慧 作者提供 点击: 699

初学集·五言古体诗

初学集·五言古体诗

——《翰苑一室》（17）

吴慧

五言古体诗 共六首

咏史 四首 1945年，刺双照楼也。

嘏笑东风里，稽山民未降。失身总奇耻，徒翊色无双。（西施）

两代宠穹庐，琵琶甘别抱。不作汉宫人，青塚向残照。（昭君）

翻手为云雨，樽前歌未休。芳魂何处宿，月冷白门楼。（貂蝉）

心早许胡儿，渔阳鞞鼓起。坡前马蹄腥，蛾眉宛转死。（杨妃）

有家别 六十韵，刺乱军也。 1945年秋

江城驻兵马，田里蒙践踏。家姊有书来，命我促迴舟。舟行何太缓，归心赛行騊。日暮抵城隅，登岸一放眸。千树丹枫冷，遥山莽已秋。阵云万里黄，野芜满平畴。城头旌旗翻，悲风吹飏飏。入城见空巷，落叶漂城沟。衡宇行在望，欲行更夷犹。反畏瞻吾庐，茫然立道周。适有邻姬过，问我何迟留。恍若回大梦，何暇与应酬。亟问兵来后，我家可完否？答云尚安堵，无劳君子愁。闻言差解颐，放步觉自由。荫巷失乔木，归鸟空啁啾。钓矶没荒草，抱门仍寒流。入门见家人，开醅味正柔。阿咸牵我裾，黄髮已髟髟。稍息风尘色，重与话绸缪。姊曰兵来日，惶扰如纵囚。所居皆民舍，夺巢类强鸠。饷皆随地出，供亿困此州。最是暗室中，乃同盗贼侪。东邻新婚子，挈妇事远游。鸳衾久冷落，此辈登其楼。临去例满载，香奩亦全收。我家有古物，摩挲足冥搜。尔室无长物，布衣与轻綈。一旦鬼瞰室，去矣俱悠悠。几家四壁立，百室白日幽。昨夜虽自退，主将实相讎。残卒下太湖，重来堪百忧。书称输万斛，索需气悍遒。闻言重太息，我欲为之羞。国家需干城，此辈慕封侯。一朝兵在握，得所意自优。倭寇凭陵日，举国赋同仇。报国果有志，何不献良猷？未见举义师，未闻诛敌酋。八年泪眼枯，愿见兵革休。江城弹丸地，底事镇横矛？藹藹子弟兵，此辈岂其俦！嗟予为秦赘，生事常不周。三载离故居，萍梗逐水浮。充膳尝采藿，卒岁再补裘。读书破万卷，醉眼看吴钩。遑效拯乱术，尚难为家谋。有家等无家，如洗亦黔窳。环顾四海内，疮痍犹未瘳：薄地难完课，力耕喘羸牛。

鹤家悬百结，彻夜长吁咻。强梁等豺虎，民命类蚁蝼。对此已万幸，我也更何尤？区区身外物，于人原赘疣。重来亦何惧，无物可供求。得失本无定，人生寄一沓。一宿放怀卧，儿时旧梦稠。诘旦登前途，坦然别故邱。鸣柁声渐远，不觉自回头。

桐里司 一百韵，刺墨吏也，1945年秋

民卅四年春，万方尽征罄。我寻避秦地，来客居东溪。是乡称富士，鱼美米流脂。如何一沦陷，萧条剩歔歔！长街唯冷肆，亭午早掩扉。道路少行人，恶草日以滋。县宰甘作俚，腴腆事东夷。万斛送倭营，军需宁稍违？禾黍半青黄，菜色现黔黎。南村人争出，采藿煮清醅。有业如我家，朝来屡断炊。况自今年夏，相扰更赤眉。白日歙绑架，昏夜悄觑窥。群情犹谈虎，宿鸟无安枝。大户举家走，中户父子离。留者但含愁，株守如伏雌。引领频翘首，所望见王师。王师来无日，国事正羈縻。大旱尚赤日，万里无云霓。入秋金气肃，世运方转移。父老盼霖雨，霖至亦何迟。忽报倭寇降，胜负如奕棋。扬长走胡骑，仓卒见汉仪。万姓迎来自，三月至于兹。曷尝苏喘息，不似补疮痍。依然促输纳，未见事解推。令下限半月，馈饷委山齐。衙令人四出，撇捩扛大旗。凭陵咆哮怒，登堂坐索贖。人或有怨讟，繫之于有司。五日送白米，十日解朱提。意欲营金窟，所乐非铢缁。家罕担石储，举乡此物稀。明明有布告，不许取毫厘。彼吏置弗闻，索逋以为词。里正事乾隐，鸠集多蔽亏。民斯苦蹙迫，叱咤更假威。其上同鸦黑，吞声免鞭箠。淹淹魴鲋毙，施施狐虎肥。诚知暴易暴，我将安所归？西山不可到，从谁采蕨薇？吾生实不辰，堕地逢百罹。廿年秋荼苦，寒门与结褵。自我记事日，国步已陆危。玉烛调何日，金瓯半残隳。神州惊陆沈，呻吟草间啼。八年南冠客，骚心谱入诗。今日呼胜利，更始盼时熙。吁嗟我赤子，尾颯实困疲。白屋如悬磬，嗷嗷待济施。援之水火中，于义詎容辞。安能仍故辙，文武自恬嬉？一隅见其大，滔滔盖如斯。攫弱疾如鹘，泮林悍巢鸱。取之恐不尽，入囊半化私。夫敛亦有法，奚止没了期！临渊思竭泽，细民何以支？我欲叫天阍，为问秉者谁？九重胡不察？太阿似倒持。不见阿阁上，矫矫鸾凤姿？大舜亦人也，能跻复何疑？莱芜有贤宰，甑中流尘缁。埋羹传王璠，投香说隐之。拊循为父母，千载人所知。民溺如身溺，民饥如身饥。洁身不妄取，脱粟甘如饴。果能企万一，去思漫江湄。彼等伊胡底，贪墨人共訾。有客撚髯笑，莞尔道我痴。君真腐儒耳，无乃昧时宜。汉朝良吏风，邈矣今难追。其心固巨壑，实亦一漏卮。朝游金谷苑，暮醉习家池。出入多舆马，居处有傍妻。簾下喧歌吹，席上炫珍奇。辛田接阡陌，甲第换门楣。鸡犬一朝升，宠光及诸姨。青春返故乡，白昼行绣衣。丈夫要横行，烜赫在当时。百年事渺茫，底须堕泪碑？实利竞朝夕，虚名露易晞。生民如芻狗，弃取任我为。所言词益振，所见意原卑。尽举循吏传，亦徒为所嗤。闻言重太息，低头有所思。渠等尚行乐，我民奈瘠羸。民为国之本，民重不可欺。必也戒至公，未能逾常规。衣食生民事，为官务安绥。民安国亦安，磐石乃奠基。上下交征利，民穷国亦殆。抚民如行舟，怒涛间平漪。载舟亦覆舟，长篙能轻挥？噬民如虎狼，民岂尽羊麋？翹虎虽云猛，人还寝其皮。多藏必厚亡，昭昭古训垂。不闻王令尹，去矣巨贖随。探丸起草间，所得竟无遗。世事如转毂，祸福本相依。方其得意日，不定飏轮驰。一旦车轴摧，一跌悟全非。是以君子者，知足心长怡。淮阴生戮首，郿塢死燃脐。秋风省季鹰，飘然早脱鞿。胡为婴世网，徇物蔽真机？

责任编辑：echo

[发表评论](#)

[查看评论](#)

[加入收藏](#)

[Email给朋友](#)

[打印本文](#)

平均得分 0，共 0 人评分

如果你想对该文章评分，请先[登陆](#)，如果你仍未注册，请点击[注册链接](#)注册成为本站会员。

